

**ANTONII THYLESII
CONSENTINI
POEMATA.
CYCLOPS.
HORTULUS...**

Antonio Telesio



Antonius Thylesius ad Io. Matthæum
Gybertum uirū ampliss. Clemētis
VII. P. M. Datarium opt.
& sapientiss. pa-
tronum
suū.

∴

Doctis nobilitat sacer libellis
Illos sæpe poeta, uita quorum est
Segnis, mors uelut, eripitq; morti
Post mortem insuper, & facit perennes.
Tantum Musa uiri potest disertī.

Contra nunc sed ego peto Gyberte
Ignotum celebrare me poetam
Per te, cuius in Vrbe, & Orbe fama
Indefessa uolans canit benigne.

Quare hunc sic tibi dedico libellum,
Non ipse ut capias decus, sed esse
Per te nobilis ut queat libellus.

Ab Aenea rogatus Vlyſſis ſocius Achæmenides
lamenta exponit, irasq; Polyphemi
cœcitatẽ deplorantis.

Aeneas.

Achæmenides.

Cyclops.

en. Hoc quoq; Achæmenides referas, timor omnis abeſto,
Aequora nanq; tenet iam claffis, fare age, Cyclops
Quos fremitus, miſeros ſolitus quos edere queſtus,
Lucis inops errat dum caſſus lumine, & heros
Exanimis procul alta petens effugit Vlyſſes.

ch. Nate dea, Teuſcrum decus, & ſpes certa, fatebor
Soſpitem quo nunquã Neptunia Pergama flammis
Conſediſſe, iuuant quando hæc, quæ ſæpius hauſi
Auribus, expediam dictis, præcordia quanuis
Pulſat adhuc, prohibetq; pauor audita profari.

Eſt prope ſpumantes fluctus ſub rupibus Aetnæ
Spelæum, ſcopulis ſuper impendentibus ingens,
Dira domus, ſuffixa horrent ubi terga ferarum,
Brachiaq; informi dependent ſquallida tabo.
Inde ſerus, cum uix aperit Sol aureus orbem,
Egreditur pecudes inter, uauſusq; recumbit,
Qua ſalis aſſiduo pulſu caua ſaxa reſultant.
Hinc procul e denſis latitans ubi conditus umbris
Errabam, tales iaſtantem uoce querelas

A ii

Cycl.

Auribus his tacitus suspensis sæpe notauī.

Inuisum superis caput hoc cur parcis in undas,
Lethæas undas, tandem demergere, si qua
Es dea Trinacriæ, quæ rapta silentibus umbris
Imperitas? memini questus audisse parentis,
Armatusq; animis ingentibus ilicet ultro
Accurri laturus opem, timor ante sed illum
Abstulerat, rursus dic mecum fistula carmen.

Aut pater altitonans unum e tot millibus ignem
Fulmineum, tibi quem manus hæc formauerat olim,
Incute, ut immani transfixus uerbere, uitæ
Quod superest, reddam, placitaq; in morte quiescam.
Enceladus quondam uelut actus turbine uasto
Mole sub hac flammæ efflat latere uisus, & ardet
Sæcula tot, nunquā Iouis ira extincta quiescit.
Applorans rursus dic mecum fistula carmen.

Tam procul Eois surgens rubicunda tenebras
Dispulit ore nitens roseo Titonia coniunx,
Vndiq; & extinctus stellarum diffugit orbis.
Mox ruit, elabensq; flagrantibus exit ab undis
Extremas radiis lustrans Sol igneus oras,
Et tremulis fulgore uadis accenditur æquor,
Impellunt animæ quod leniter aspirantes.
Omnia quæ quondam fuerant mihi dulcia uisu,
Quæ nunc perpetua pereunt caligine mersa.

Applorans rursus dic mecum fistula carmen.

Plurima per siluas errat uaga turba uoluctrum
Natiuis depicta coloribus, illa nec usquam
Conspicienda fluit celeri per inania lapsu.
Argutis tantum resonant loca uocibus usq̃.
Tuq̃ arguta iterum dic mecum fistula carmen.

O nemus hinc illinc surgens super æthera, quondã
Grata quies fesso, cum stratus gramine molli
Suspiciens teretes ramos super impendentes
Gaudebam uiridi specie resupinus in umbra.
Hic hederæ serpunt molles, hic arbutus antris,
Eminet hic fugiens in coelum garrula pinus,
Cum leuis hirsutas frondes mouet aura fauoni.
Garrula tuq̃ etiam dic mecum fistula carmen.

Obstrepit ecce cadens saxis manantibus humor,
Et salebris offensa procul respondet imago.
Ite simul prope me pecudes, simul ite capellæ,
Lanigeræ pecudes, hirtæ, simæq̃ capellæ,
Pascite propter aquas, hic mollia pabula campi,
Hic dumosa uiret rupes. ne uis fera uenti
Præcipites summa specula deturbet in undas,
Ne lupo insidias circum malus inuestiget,
Ite simul prope me pecudes, simul ite capellæ.

Tu quoq̃ pelliti custos gregis, ardua, pemix,
Strenua, fida, sagax, uenatrix, estera, pugnax,

Comminus occurrens fures age candida Leuce.
Dulcius hoc iterum resonet mea fistula carmen.

Coeruleo surgunt candentes gurgite Nymphæ,
Stellantes nox picta sinus ubi fusca recondit.
Quas inter, mea cura, uenit Galatea sorores.
Hanc nunquā uitreis e fluctibus egredientem,
Ceu quondam solitus fueram, spectare licebit.
Et nunc illa novos casus miseratur amantis,
Assidet & forsan, sed suppressit ore querelas,
Ne mea præsentī laceret præcordia luctu.
Dulcius hoc iterum resonet mea fistula carmen.

Iamq; procul uisus tristes agnoscere uoces,
Et gemitus iam sæpe meas grauis impulit aures.
Quandoquidem unanimes pariter coniunxerat ambo
Fidus amor, pressitq; tenaci compede uinctos.
Ex quo leuis adhuc matrem comitatus euntem,
(Nanq; iuuat meminisse meos mea fistula amores)
Conspexi roseis carpentem lilia palmis,
Et strophio religata comas formosa nitebat.
Dulcius hoc iterum resonet mea fistula carmen.

Tunc primum rudis insolito iactatus amore
Errabam, memini bis denas condere noctes,
Bisq; dies denos solis sub rupibus Aetnæ.
Nec minor Aetnæis q̃ rupibus æstuat ignis,
Gliscebat tenero sub corde Cupidinis ignis.

Inſpexi primum liquidis tunc fontibus ora,
 Florebat malis cum nondum pulchra iuuentus,
 Luxuriemq; comæ fingeſſam lætus opacam.
 Te quoq; tunc primū modulans mea fiſtula cantus
 Edocui, quibus obſtupuit genus omne ferarum,
 Atq; euulſa procul radicitus affuit arbor.
 Tum uaga præcipites tenuerunt flumina curſus,
 Et mea uiſta nouis concentibus, eſſera quāuis,
 Nata mari quanuis, properans e fluctibus ultro
 Adnabat. dolor eſt, hæc & meminiffe uoluptas.
 Frigidulam ah quoties, trepidamq; amplexus in aſta
 Nuſquam amittebam, donec ſuſpenderet altam
 Luna facem, & tremulis ſplendeſceret ignibus æther.
 Tanta mihi quæ nunc ceciderunt gaudia, nec te
 Aſpiciam poſthac leuibus ſuper æquora plantis
 Nereidas inter blandas agitare choreas.
 Triftius extremum repetat caua fiſtula carmen.

Viuite montiuagi Panes, uos uiuite Nymphæ.
 Ille ego ſum Cyclops Siculæ modulator auenæ,
 Paſcere doctus oues, calathosq; intexere iunco,
 Et canibus luſtrare ſagacibus omnia ſiluz,
 Viribus inuiſtus quondam. quæ cunſta nefandus
 Abſtulit in tenebras rapiens mihi noſtifer atras,
 Triftius extremum repetat caua fiſtula carmen.
 Stultus ego. Eurymides prædixerat omnia uates.

CYCLOPS.

Infelix Cyclops, Ithacus tibi frontis honorem
 Demet Dardanius ueniens rate uestus ab oris.
 Quæ, nisi dempta foret mihi mens prius, gressu asssem.
 Venerat, & blando coelans immania uultu
 Insidiis animum rapuit malus ante, dolosi
 Tristia dona ferens nimium pretiosa Lyæi.
 Nectar erat dulci mihi nectare dulcius Hyblæ.
 Et ceu Lethæo dilutum flumine sensus
 Eripuit, circum uisi concurrere montes,
 Et remeare uadis refluentibus Acidis unda.
 Tum geminum caput attollens pecus omne per æquor
 Cernere erat passim liquidis colludere campis.
 Iamq; sopor pressit languentem, sponte nec inde
 Territus exilui, coecaq; in nocte uolutus,
 Cæde madens, uisusq; genas, ferus, anxius, amens,
 Voce fremens, miser errabam. ruit undiq; siluis
 Turba minax, nec quo se uertat, conspicit usquam.
 Ille etenim insultans, uictorq; fugacibus austris
 Vela prius procul hinc dederat leuis ales in altum,
 Atq; ingrata sui monumenta æterna reliquit.
 Tristius extremum repetat caua fistula carmen.
 O pater, o pelagi regnator, siccine inultum
 Me sinis? inuisi nauem prædonis adauctam
 Quin rapis huc nobis perdendam? uulsa uideres
 Corpora iacta manu, pontog; immersa cruento.

Iamq; uolant passim correpta cadauera raptis
 Visceribus, riuicq; fluunt iam sanguinis atrī.
 Tum capitis dirī directum lumen utrunq;
 Dissicerem. poenas lueret, quas repperit ipse,
 Suppliciis quando nihil est his tetrius usquam.
 Tristius extremum repetat caua fistula carmen.

Vel tu, siqua mei tangit te cura, procellas
 Inijce, ut impulsus per saxa furentibus euris
 Frigidus exhalet uitam sine honore sepulchri.
 Quod si fata negant, patriosq; reuifere portus
 Constituunt, longis, durisq; laboribus actus,
 Da pater, amissis lociis crudelia passus
 Hospitia, ignotasq; pererret naufragus oras.
 Quin etiam exhaustis erroribus in sua postq;
 Regna reuectus erit, manus impia morte cruentet.

Ach. Hęc horrēda fremebat atrox Polyphemus ad undas.
 Quæ mea ne posthac quaterent tremefacta pauore:
 Pectora, tu tandem ueniens dux inclyte Teucrum
 Eripis, & dira seruas a morte receptum.

B

HORTVLVS.

Laudatur Archinti Hortulus
Buxo, Hederag;
insignis.

Fessus eram, bibulis licet auribus inter eundum
Haurirem, quæcunq; meus Cõrui ta ferebat,
Iucundus, si quisq; alius, facundus & idem.
Diua animum excoluit cui Pieris, atq; in utroq;
Iussit ut excellens sermone, Graia Latinis
Adderet, & patriam studiis decoraret honestis.

Cũ mihi pertempus profert se Archintus agendis
Spectatus causis, seu sacris, siue profanis,
Nec tamen a Musis quicq; semotus, & ambo
Quo properant? melius ne pati nunc pulueris haustus?
An aliud, suadent quod tempora forsan, & æstus?

Hæc ait, & dextra pariter, læuaq; moratur
Iniecta geminos, ceu polypus acer, & ad se
Non hercle inuitos trahit ille. sequemur? ego inq;
Qui potis inquit eris meus hinc auellier usq;?

Vestibulũ ingredimur, mox hortulus excipit herbis
Fertilis, unde halant uarii noua germina flores.
Quasq; solet Pæan, senior uel filius olim
Colligere, & succis morbos depellere tetros.
Quis calor extinctus redit in frigentia membra.

Passor ab it, sæuo reuocatis manibus Orco.

Multaq; frondosis uiret hæc arbuscula ramis
Buxifero quondam procul huc aduecta Cythoro.
Materiam unde faber serratis dentibus æquans
Mundiciem in capitis format, comptumq; capilli.

Vertit & hanc circum tomans stridentibus armis,
Quæ matris retinet nomen, seu conditur illic
Gurgitis esca mali, irritamentumq; nepotis.
Quo scabies magis increfcit uesana palati.
Siue Euros, Zephyrosq; notant spirare per æquor
Nautarum uaga turba, silent licet omnia uentis.

Artificis ferro nitet hæc detonsa bidenti.
Surgit & (horrendum) uarias imitata figuras.
Frondeus ingressos terret ferus ora Colossus.
Sæuit & allatrans canis asper non minus, atq;
Persephones rabiem cuius male sensit amator.

Nauigat hic ingens mare Corbita. alta uideres
Carbasa tenta noto, distentos undiq; funes.
Nereides prope consurgunt, ceu cū uada quondā
Coerula prima nouo sulcauit flamine puppis,
Abduktura gregis decus ingens. quo Thetis alma
Tempore Pelæo correpta cupidine sensit
Quid sit amor, gelidisq; exarsit tota sub undis.

Nec mora, (tanta repete medullas flamma perussit)
Enatat, inq; atram fugiens mutata figuram,

Falleret ut centum Nereo genitore sorores,
 Saxa per, & cautes, & falsas labitur undas.
 Abditæq; in scopulis latebrosis dulcia carpit
 Furta, nec undanti meminit se reddere ponto.

Quid loquar & Dryadû facies? Satyriq; bicomis?
 Diceret hunc quis non ueneris stimularier oestro?
 Intortosq; sinus? spirisq; ingentibus angues?
 Et circumtonfos orbes? simulacraq; coeli?

Ardua quid referam sacri fastigia templi?
 Est ubi, quem dixisse nefas, ne ludicra ueris
 Miscere, & leuibus confundere sacra, sit ingens
 Relligio, sed quo nascente pericula mille,
 Mille uias lethi uitauimus. ante reflexo
 Poplite suspiciens tristi uir flebilis ore
 Pectora contundit scopulo. ferus adiacet una.

Omnia quæ formata licet, simulataq; dices
 Mortua non hæc sunt, non hæc sine motibus esse.
 Nam crescunt, pariterq; uigent, & suppetit humor
 Cuiq; suus, cunctas nutrix alit habere eodem.

Quod neq; Praxiteles mira quæ fecerat arte,
 Contigit, aut tabulis, quascunq; probauit Apelles.
 Siue luto quisquâ, fuluo seu claruit auro.
 Hæc, quando nunquâ sunt aucta uigoribus ullis,
 Viuere ne uere affirmes, quæ nulla mouentur.

Cætera me rapiunt, & passim lumina sistunt.

Quæ Mirthus Veneri, quæ grata est Vitis Iaccho.
 Vtraque formosa est. gracili nitet altera ramo,
 Frondibus & pariter positis confurgit acutis,
 Semper odoratis, semperque uirentibus iisdem.
 Altera condensat scenam diffusa, uirensque
 Læta comam æstiuos defendit tegmine soles.
 Nil tamen oblectat me ualdius, atque uirenti
 Prætentus paries hedera, quæ plurima lapsu
 Multiplici serpit lambentibus omnia ramis.
 Grata deo, mentis qui curas eluit acres.
 Namque nouercales hac testus paruulus iras
 Effugit, Thyrsos ornat qua nunc memor, inque
 Crateras torquet, curruque & Tigribus aprat.
 Dat quoque ferre suis, sibi nec deus inuidet illam.
 Vestit at impubesque genas, crinemque madentem,
 Ne rapidi exurat faciem uis ignea solis.

Vosque deum curæ uates hoc munere donat.
 Ut quoniam nunquam frondis decus interit æstu,
 Nec glacie, pluuiisque, uiret sed iugiter illa,
 Tempore sic omni uobis quoque fama perennet.
 Salue hominum, diuumque decus, formosa, uirisque,
 Ambitiosa, sequens quodcumque amplecteris, errans
 Mille uis, lasciua, fluens, mollissima, leuis
 Nec minus, innumeris fibris quæ infixæ supremos
 Ascendis ramos innitens arboris altæ.

HORTVLVS.

Nec Telluris amans tantum, sed cortice, quauis
Prædura, surgis lætissima, cornibus inq;
Ramosis uisa es celeris quoq; uiuere cerui,
Teq; fuga rapit ille sua uenatibus actus.

Digna polo tandem, nam tu quoq; sidere fulges
Aurea, Minois postq; misera occidit, & te
Deposuit tristis Liber, coeloq; locauit.

LVCERNA.

Lucernam describit a Lampio patritio
Mediolanensi dono missam.

Aenea uincta hederæ foliis caua tempora Bacchi
Affixæ gratum præbent mihi lampadis usum.
Vertice nam qua se partes coma uertit in omnes,
Et tenuis gyro capitis patet area summi,
Descendit uelut exiguæ testudinis orbis.
Cornibus hunc operit religatum emblemata gemellis
Insigne, inq; uicem reteggit specus inde remotum.
Agricolæ munus quo Palladis instillatur.
Quem simul accepit calua ærea parua liquorem,
Mittit in os, animi cui nuncia lingua palato
Exerta, & sulco coelata ellychnia anhelat.
Vsq; laboranti similis persona uidetur.

Aestuât, efflat hians ardentès faucibus ignes.

Atq; exulta genas atro furit horrida uultu.

Eiectus quondam Semeles uelut ignibus aluo.

Grata mihi, & nostris aptissima dona Camoenis

Lampius hæc dedit insignis patriaq; domoq;

Lampius ingenti mecum coniunctus amore.

Scilicet ut, ueterum seu me monumenta uirorum

Nosse iuuat, latium, uel quos tulit Attica Tellus,

Ludere seu mihi quid libet inter carmine curas,

Quis scatet undiq; uita calentibus insperatis,

Lumina sufficeret tam cari munus amici,

Et quasi iucundi socius foret ille laboris.

Ignipotētis opus fuit hoc. deus hoc sibi primum,

Ipse sibi, & sponsæ formauit Mulciber, exit

Vertice quæ sacro. nam quāuis bellua nobis

Persimilis nutrit similem turpissima alumnū,

Tardigradumq; moleste, ac turpiter incedentem.

Attamen ictus amore procaciter appetit usq;

Coniugium duro formosæ Palladis ore.

Quauis læta oculos, quauis nitet aurea crines.

Nec pater abnuat hoc, carum sed nata pudorem

Castâ negat sibi posse auferri uiribus ullis.

Ergo infelicitis deus in solamen amoris

Finxit, ubi foret inuentum utriusq; deorum.

Et ceu nocturnus uigil esset coniuge mistus.

Lumineq; appposito faber Aegida perficit illi,
 Spicula præfigens adamantina uel polit hastæ,
 Aut crebris tegmen capitis cauat ictibus aurei.
 Frigida cum tremulis nox ignibus atra relucet.
 Candidus & fuscæ frater cessisse sorori
 Non dolet Oceani delapsus in ima barathri.

Mittit & hanc ipsam gemmisq; auroq; decoram,
 Ingentem, expressam signis, quo læta tenebras
 Pellat, opus siquod coelesti lucubrat aula.
 Aurea seu torquet subtegmina, pectine densat
 Seu telas,urgensq; argutis plausibus æquat.
 Omat acupistrix seu pallam,nam licet usq;
 Casta dea est , cupit usq; tamen formosa uideri.
 Nec minus hinc illinc omnes iam commouet in se
 Spectantes cupide diuos, oculisq; inhiantes,
 Quam soror Idæis uictrix conuallibus olim.
 Quauis illa cupidine sit comitata uolucris,
 Efferus occultos qui spargit arundinis ignes,
 Semper & huc illuc blandos dea spirat amores.

Interdum studiosa coloribus atria coeli
 Distinguit uastos armans in prælia fratres,
 Enceladumq;, Typhoeumq;, aeriumq; Mimanta,
 Et mouet hinc acies horrendas, inde deorum,
 Bellonãq;, Graduumq;, Amphitryoniademq;.
 Ipsumq; ardenti iaculantem fulmina dextra

Impavidū altitonantem, animisq; in bella ruentem.

Quem prope Gorgoneis astans furit anguib; ipsa.

Nec superas tanto discrimine deserit arces.

Vnde deus sese gaudet spectare, memorq;

Difficilis quondampugnæ pictosq; triumphos

Perlegit, & caræ libat pater oscula natæ.

Quin etiam Phœbi, Musarumq; æmula Pallas

Nocte silente modos, & carmina digna decorum

Auribus inuigilat, docet hæc, quos diligit, ipsa.

Omnia sollerti fingit quæ pectore diua,

Atq; alia, gratum despecti ad lumen amantis,

Cum facibus primum mortalis sedulus atram

Dispellit noctis nebulam, coecasq; tenebras.

Idq; est, qui cœlo nunc Palladis Hesperus ardet,

Hesperus, æternum decus altisonantis Olympi.

Non minus hic quanuis diuum Regina, Venusq;

Et galea insignis Tritonia certat, in uda

Quam Phrygio quondam sub iudice lis fuit Ida.

C

NAV TARVM LABOR.

Aestu, remigioq; fessus cum e naui descendisset
 Alethes Syracusanus, ærumnas exponit,
 miseriaſq; Nautarum.

Soluerat Aetnæis puppem longæuus Alethes
 Finibus, & solita sulcans uada falsa carina
 Nota Syracusæ repetebat littora terræ,
 Cum defessa manus iuuenum per coerula remex
 Aequora, solis aquas flâmis urentibus ipſas,
 Aetherei medium iam conscendentis olympi,
 Scrupea, quæ cernunt caua proxima rupe sub ima,
 Antra petunt curuis laquearibus edita summis,
 Desuper incumbente coma spissa arboris altæ.
 Lympharum scatebris frigentibus insonat & fons,
 Fons prædiues aquæ dulcis, quem glarea riuum
 Excipit, & lapidosa uelut remoratur, amaris
 Ignarus ne se præceps immisceat undis.

Algida dumq; aliis somnos facit umbra, torusq;
 Graminis, ales opacæ & garrulus incola siluæ,
 Ipse senex mecum recubans, sic me modo tristis,
 Inuisum spectans pelagus modo, talia fatur.

Quæ mala mens, quæ ue ira deû te cõpulit hospes
 Ignotas tentare uias, nostrosq; labores
 Discere, & infidis ultro te credere uentis?
 Conditio nulla est hominum crudelior usq;.

Quam mare, quā tristes hyemes horrescere, nec cum
Aequora tuta uides, iam tunc datur hora quieti.
Sed miseri insanos æstus, & sæua uicissim
Frigora perferimus noctes freta uasta diesq̃.

Assueto incumbens operi iam lassus arator,
Vesper ubi, piger agricolas agit ante iuuenços
Per nemus, irrepitq̃ domum, dulces reuisit
Seruantes limen fida cum coniuge natos.

Raraq̃ post miles pulchri certamina belli
Diues, honore fluit, functusq̃ labore quiescit.

Nobis nulla quies, uisu quid sæuius usquā est?
Quam si quando maris facies turbatur, & imis
Sedibus eruat feruenti gurgite fluctus.
Pontus & illis scopulis super æthera surgit:
Hinc atq̃ hinc ignes exterrent nubibus attris.
Humidaq̃ immissis feriuntur carbasa nimbis.
Et conuexa tonant ingenti murmure cœli.

Cunctaq̃ nox horrenda cauo conuoluit amictu.
Exitium crudele oculis tunc omnibus hæret,
Nec spes ulla fugæ pauidis, maris obruat unda,
Cautibus an coecis immani turbine adacti
Vitam exhaemus miseram sine honore sepulchri,
Et super aduolitent nudata cadauera Mergi.

Quod si forte pater Neptunus parcat, & audit
Vota libens, mulcetq̃ secundis æquora uentis,

NAVITARVM LABOR.

Non tamen est quicquid non formidabile nautis.
 Sæpe etenim scopulos impacta tegentibus undis
 Membra natant passim fragilis disiecta carinæ,
 Aut compage senescit hians, fluctusque uicta
 Accipit occultos, portu quis mergitur ipso.
 Sentit enim tutos non semper nauita portus,

Quid, læti quoties leuibus delabimur auris,
 Nec timor ullus habet, subito cum remige prædo
 Improuisus adest: altis nam sæpe cauernis
 Pestis acerba hominum speculans latet abdita furtim,
 Armatusque animis ingentibus euolat acer.
 Nec tantum fuerant tantis quæ parta periculis
 Diripiunt, duris sed uinclis nectimur, unde
 Non datur effugium, donec miserata labores
 Expectata animæ nexus mors corpore soluat.

Ter maris unda furens Aquilonibus horruit atris,
 Subdola ter faciles reuocat pellacia nautas
 Blandius æstiuis solito insidiantibus auris,
 Dicitur hæc Graiis Siren maris accola uasti,
 Ex quo sola duas armatas Maura biremis,
 Et minor, ingentes expugnat fraude carinas.
 Mira quidem, sed res nulli non cognita tanta est.
 Nam geminas longo cum cemeret intervallo
 Remigibus liquido, uiridique incumbere campo,
 Quæ propior, fidens animis, atque artibus illam

NAV TARVM LABOR.

Aggreditur, lætisq; uolat clamoribus ultro.
 Explicat & nostris eadem uexilla, uelut quæ
 Congressu lætetur amicæ, uiribus impar
 Scilicet ut sese non hostem ostenderet hosti.
 Atq; ita uela facit, testisq; adremigat armis.

Ergo quæ properans prius exilit aspera pugnx,
 Capta dolo, infelix plausus quoq; reddit amicos.
 Nec mora, multipedes polypi correpta tenent ceu,
 Hinc illinc congressa manu religatur athena.

Insiluitq; leuis pubes diro effera uultu,
 Sternit & incautos ferro. natat omnis ubiq;
 Per iuga, perq; foros resperfa cæde triremis.
 Desiluitq; salo pars integra uulnere, & ultro
 Maluit extingui crudeli funere in undis,
 Quam subiisse truces gladios, & compede dura
 Impedienda dare immani uestigia Mauro.

Cætera ut ærumnas seruata spirat in omnes.

Nec satur iis animum rebus, uel sanguine prædo,
 Victtricem, ceu uicta foret, de more carinam
 Pone ligans uictæ, sociis redit obuius audax.
 Alter successuq; tumens, spe elatus & idem
 Concurrit, sociæ rebus gratetur ut alter,
 Prospectu secus esse putans, quã res foret, atq; is.

Lætus utrinq; sonat diffusus in æquora clamor.
 Et uario dulcis certat Symphonia cantu.

NAV TARVM LABOR.

Expressisq; tonat tum fistula ferrea bombis.
 Eq; sua iam tunc habitum mentitus, & arma
 Bis felix multa peruertit cæde triumphos.

Quid tibi quanta fuit referam pretiosa supellex?
 Pondus & argenti? fului quid pondus & auri?
 Vtraq; cum gemini longum dominata per æuum
 Aequoris imperiosa daret iura omnibus undis.

Flos quoq; libatus siculis perit omnis ibidem,
 Nec posita immortalis adhuc insignia luctus.

Non satis est duris cõmittere prælia campis.
 Sæua suo gaudens hominum gens sanguine classes
 Deducit, mediasq; hostes irritat in undas.
 Confliguntq; domus compulsæ per mare uastum.
 Arx uolat, & pelago concurrunt oppida, & urbes.
 Vndiq; tela cadunt, immania saxa, facesq;
 Quæ gelidis serpunt in fluctibus. unde uel igni
 Vsta perit naus, uel mole sepulta sub unda est.

Cognita quin etiam rigido uelut arietat ore
 Bellua, pertunditq; ratem, terebratq; sub undas.
 Quo simul irrupit furtim uis æquoris ingens,
 Et depressa mari subsidit, funera uictrix.
 Discerpens rabido depascitur improba morsu.

Nec miseris inimica lues natat hæc modo nautis.
 Crederet, hæc nisi monstra fuit cui cernere, quisnam?
 Instar at immensæ uomit ore erecta columnæ

Altera flumē aquæ immergens hominesq; ratesq;
 Reddit ut exaturatus aquas olim imbrifer arcus.

Est quoq; quæ exuperat dorso, uelut insula, uasto.
 Currentemq; euertit agens molem obuia Pistrix,
 Horrendum uisui, quales configere quondam
 Cyaneas timui cautes, quæ plurima ponto
 Saxa uagantur aquis ingentia, fluctibus acta.

Paruaq; , mira quidem sed res iam nota, Echeneis
 Ingentem cohibet nauem remorata uolucrum.

Namq; tibi auditum puto, quod Scinis in spelunca
 Prodigium pascebat atrox, cum rupe sub alta
 Testudo exiliens proiecta cadauera in æquor
 Corripiebat hians. natat hæc non sola per undas.

Plura quoq; emergunt uariis portenta figuris,
 Atq; aliæ innumeræ pestes maria omnia complent.

Tutus ab aligeris errat nec nauita ponto.
 Nil referā, stupui quod & ipse, ut Stymonia Grus
 Altiuolans petat horrifono nos desuper imbri.
 Cum secura maris, defessaq; pondere sese
 Exonerat, laxatq; uolas nouus unde pluit ros.
 Densa phalanx etenim cōmigrans transfretat æquor.

Hoc miserū multo magis accidit. horrida nubes
 Ortygiæ nomen dedit insula, sæpe uolucrum
 Cum freta transmittit, simul inuolat omnis, & alueo
 Incumbens pessum pelago dat. turbine nec sic

NAV TARVM LABOR.

Exhorrent, trepidantq; atram nautæ omnibus horâ.
 Aut ferus expugnat cum moenia barbarus hostis,
 Consternata tremit sic omnis turba tumultu.
 Horribilis uenit ut pauidis exercitus hospes,
 Lassus ut in sicca sidens statione quiescat.

Vtq; nihil, quæ dicta mihi, contingeret unquâ,
 In terris quidnam grauius, quâ uertere fluctus
 Remigio? & duris intendere brachia tonsis?
 Aut tortis uersare rudentibus undiq; uela?
 Et cursare iugis? undasq; immergier infra?
 Murice nam scopuli persæpe tenaciter hæret
 Anchora, quâ potis est uis demere nulla supeme,
 Ni natet huc aliquis penitus caua saxa pererrans,
 Atq; animâ compressus, aquis uagus omnia lustret,
 Et manibus sistens infixam detrahat uncis
 Vix tandem inuentam undæ, atq; oblustratus harenæ.

Hei mihi cōsumptis lachrymis, tamē hæret in imo
 Corde dolor, unq; nec defluet. unica proles,
 Spesq; meæ fuit, & requies iucunda senectæ,
 Ora puer primo uestitus flore iuuentæ,
 Dicta syracusii fuerat cui filia Glauci
 Leucothoe, specie ante alias pulcherrima uirgo.
 Cui res cuncta domus tot parta laboribus uni
 Dotalis seruatur adhuc intacta puellæ.

Hic dum merfus aquis audax petit ima profundi

Aequoris, (heu læsi imprudens quo crimine diuos)
 Infelix oculis nostris non redditus unquã est.
 Vortice seu uictus, quãuis nec fortior alter
 Nare minas inter pelagi, seu fixus inhæsit
 Angustas inter cautes, seu bellua nanter
 Inuasit, gliscunt uariis nanq; æquora monstris.
 Notus Abydeni tibi quondam casus amantis.

Nec potui saltem funus producere, & inter
 Cognatos patrio cinerem mandare sepulchro.
 Piscibus at lanianda feris mea membra reliqui.
 Postilla & potui coelesti uescier aura.

Sed redeam sæuus diuertit me dolor unde.
 Omnia sunt miserranda. caput uix ponere transstris
 Nocte licet, fessos durisq; sedilibus artus
 Aethere sub gelido, fractiq; ad marmura ponti.
 Colluuiis quo foeda fluit teterrima pestis.
 Et grauis in superas efflatur spiritus auras.
 Semper & huc illuc fluitant caua lignea pulsu
 Vndarum. currunt scopuli, terræq; recedunt,
 Vertitur atq; aer circum. tum nausea uictum
 Reiicit. at si quando fames furit improba, tantum
 Atra Ceres modice succurrit sumpta, bis ulla,
 Atq; exesa situ, nec munda. hac uescimur omnes.

Pocula nec dulcis nobis sunt nota Lyæi,
 Parcus at humor aquæ longo corruptus ab æuo.

D

NAV TARVM LABOR.

Qui tamen interdum cum deficit, & sitis angit
Arida, amariciem tristem, falfosq; liquores
Cogimur exhaurire, nihil quo tetrius usquã est.

Nec non sæua diu tempestas obsidet oris
Iam procul, importuna fames subigitq; uel ipsos,
Quenq; suos, (dirum) consumere dentibus artus,
Sponte fatigatas animas uel tradere ponto,

Singula si sequerer, quæ sunt asperrima, fari,
Vndiq; q̃ miseris sit deplorabile fatum,
Ardentes sol ante rotas extingueret undis
Oceani, & tremulis splenderet ignibus æther.

Niminim ferus ille fuit, qui littora liquit
Primus, & insanos ausus contemnere uentos,
Et dulcem rapidis animam obieſtare procellis.
Non satis huic fuerat uitam duxiſſe uel intra
Oppida tuta, frui uel ſiluis. o mihi quando
Hoc dabitur, lucos inter, camposq; uirentes
Securo, ſuperest uitæ quod, uiuere, cunq;

Eſt mihi rus modicū patriæ prope moenia terræ,
Fons Arethufa tuus qua dulci exhuberat unda.
Deſpicere unde licet pulſantes littora fluctus.
Humida nec tantum prætendunt nubila coelum,
Quin nitidus pulſa caligine rideat aer.
Et dulces ſpirant Zephyri, tum floribus halat
Pinguis humus, ramis denſiſq; refrigerat umbra.

Hic mihi iam certū est tandem requiescere, ibiq;
 Immanem tibi constituam Neptune Tridentem.
 Semper aquis quoniam primo uersatus ab æuo
 Vitæ impendens fatum, manibusq; relapsus
 Sæpe fui diræ Mortis, quæ turbida uultum,
 Et furiale tuens instabat faucibus atris.

Sed satis hæc leni increpitans uocat aura susurro.
 Et fauet impulsū uentis mare, forsitan audit
 Ipse pater, uotumq; libens deus accipit aure.
 Surge age, & optatos fines cernamus ouantes.

D ii

TVRRIS DE COELO PERCVSSA.

Quemadmodū Turris in Arce Mediolanēsi fulmine
iſta diſſiluerit omnis, narratur in hoc Poemate.

additur etiā aliquid de impetu bellici

pulueris, ad extremū querelæ

sunt de miseria

temporū.

Aerio ſuperans Turris modo uertice nubes

Quo diſieſta abijt? Iouis hæc fuit ira Tonantis,

Ira Iouis magni, trepidat cor, mente recurſat

Nox ubi, cum uenit Heſperio prius igne diurna.

Nec facies eadem cœli, modo denſa tenebris

Terrificat, pauidos ſternit modo flāmea, uasto

Murmure deiectis cœleſtibus undiq; telis.

Vnum, quæ molita fuit manus? omnia flāmis

Occupat ante, fragor ſequiturq; immanis, & uſq;

Verberibus furit horriſonis, tum funditus omnis

Vrbs quatitur, clauſas ruptis patuiſſe fenestras

Veſtibus extimuit gens territa, plurima ſacris

Cardine uulſa procul iacuit quoq; ianua templis.

Altera iam alterius noctis nox additur umbris,

Iam tandem docet ingentes lux orta ruinas,

Et uigiles, luſi ceu ſomno, cemimus ultra

Cunſta fidem, paſſim per campos ſaxa patentes

Sedibus eiacula ſuis, immania monſtra,

Sic posita, illæsa (mirum) ut Tellure iacerent.
 Quanta nec insurgens Salaminus impulit Heros
 Nec pius Idæis, Latijq; expertus in oris
 Troius, aut classis fugiens uictoris Vlyssi.

Illa etenim aeriam uis diffidit ignea molem,
 Sulfure mistus ubi fuerat situs abditus olim,
 Parietibus situs erasus squallentibus ante,
 Nanq; pruina uelut canescens floret opacus,
 Occupat & deserta domus lanugine sentus,
 Quo grauib; tormenta ardent immania bombis,
 Cum teres impletur specus usto fomite adaſto,
 Aereaq; inculcata cauum pila truditur orbem,
 Obstruit & cumulus spiramina pulueris attri,
 Semina qui admoti spira simul allicit ignis,
 Emicuit stridens, penitus mox lapsa per arctum
 Intestina uorat fax ilicet omnia, & acris
 Flāma furens uacuas sæuit prorumpere in auras,
 Insitaq; excutitur, uiq; euolat excita pestis
 Bellica, perq; uiros fertur, qua densa minatur
 Hinc atq; hinc acies aduersa micantibus armis,
 Omnibus ore tonans uasto sæuam horrida cædem.
 Nec potis ulla phalanx obſistere, sed uelut amnis
 Cum præceps agit arua, nec obijce segnior ullo est,
 Sic quacūq; furor uenit igneus, omnia differt,
 Atq; catenatim ſternit, capita ænea equorum

TVRRIS DE COELO PERCVSSA.

Tollit, idemq; uirum fortissima pectora telum.
 Vteriusq; uolat, nec pone sequentibus, ante
 Qui pereunt, quicquā profunt, ex ordine cunctos
 Dissipat, ora, manus, & mille cadauera aceruat.
 Quaq; prius confertus erat globus, ampla uidetur,
 Plurimaq; hinc illinc deletis semita turmis.

Oppida quid referam quo uerbere disiecit? hostis
 Fulmineo uallata quatit cum moenia telo.

Edita nec quanuis rupes præcisa, minaxq;
 Sustinet immensis erectas turribus arces,
 Est quicq;. subiecta cadunt quoq; fragmina montis.

Nec minus huic steropes ppugnās, quod pcul omne
 Cunctū uidet, sæuis collimans ictibus aufert.
 Erigit inq; deum sedes, supera astra laceffens,
 Vnde ruina cadit cunctis trepidantibus ingens,
 Testa super, tabulataq; transuolat omnia præceps.
 Perq; solum penitus fugiens diuerberat ima
 Tartara, & exangues terret formidine manes.

Quod si ter geminis cum montibus impia tentant
 Prælia Terrigenæ centenis ensibus unus
 Quisq; fremens, hæc nota feris portenta fuissent.
 Victa foret nunq; superis manus horrida telis.
 Maxima quin potius sublimia sidera mundi,
 Et gemina accensæ fregissent cornua Phœbes.
 Tuq; pater lucis disiectus inane per ingens

Nullus grata clares extinctus lumina Titan.

Quis male tam sollers finxit, quod nulla uetustas?

Aligerum summis fugientem nubibus, atq;

Iapetionidem tulerit licet illa Prometheus,

Vnde homines ficti luteum genus, & tamen illic

Terrenis fertur caueis clausisse uolucres

Aethereosq; animos subducto callidus igni.

Cūcta tamē docuit quicquid uetus, hæc noua & ætas,

Præstitit inuentum nuper, seu Rheticus illud,

Seu Meroe dedit exanimi circūflua Nilo.

Quis tamen, ille mali, siue hæc fuit author, in iras

Prodidit arma Iouis faber irritabile numen,

Aetnæus faber acceptus male, nanq; tenebris

Deq; die imparibus festinat gressibus usq;

Deturpans nigra tostas fuligine malas.

Dum graue tollit onus, ferro uersatq; bidenti.

Exacuit rapidas seu tela sequentia flāmas,

Siue coactus opus Marti facit armipotent.

Cum interea ambrosiæ succos, & nectaris ille

Perpotat strophiiis redimitus in ætheris aula,

Assidet & caræ, cura hæc cor ualidius urit.

Nam nisi coniugio parens uxotius esset,

Ipsa suas sibi haberet opes Cypris edita ponto,

Dotalis quicquid diues fert insula, & oris

Quicquid gemmiferis uitrei lauat æquoris unda.

TVRRIS DE COELO PERCVSSA.

Idq; uidens mussat furibundus, & usq; cauernis
Insonat Aeoliis. tantus timor urget amantem.

Neue tori insidiis uigilet, uaser edocet artes,
Ostenditq; dolens furtim coelestia tela.
Vnde ruit, uastumq; extrudit pondus, & inter
Ipse uenit turmas Vulcanus, nec sua uires
Arma ferunt, iuueni Pelidæ qualia quondam
Fecerat æquoreæ Thetidis prece uictus amator.

Nanq; deus nunq; est non pronus ad ulciscendū.
Ipsa parens, regina deum, soror, & Iouis uxor
Insidiosa sui stupuit noua munera nati.
Lumina cum solio fugientes abdidit aureo
Intendens laqueos ultus fastidia matris.
Præter. n. Olenio qui germine natus adulter
Sensit idem, pater indoluit quoq; coniuge diuum
Tenuibus irretita adamantibus undiq; nexis.

Quare nec Mauors fera prælia tentat, ut ante,
Nec Bellona gradus, nec confert Attica uirgo,
Quippe hominū armati metuunt noua fulmina diui,
Et uidet esse Ioues tot terris Iuppiter unus
Aethereus, fremit infrendens hinc horridus ira
Dementis memor Arcadii, quē uana ferentem
Fulmina, detrusum ueris sub tartara adegir.

Ergo coelestis, penetrabilis, & uagus ignis
Missus adest, rapuitq; cados, quis condita mille

TVRRIS DE COELO PERCVSSA

Hostilis fuerat cædes, si sistere contra
Ausâ manus foret ulla potentibus obuia belli.

Altera nanq; dies simul orta rediret Eoo,
Mittere perniciem fuerat mens hostibus atra m,
Qua pater Eridanus pingues secat æquore campos.
Prælia quanta illic, & strages quanta fuisset,
Hæc metuens grauib; summo ruit axe quadrigis
Noctiferas nubes Saturnius, imbriferasq;
Sæuus agens, Turrisq; Ducum monumenta priorū,
Tamq; operosa petit ferus impete moenia uasto.

Ilicet ima furit, capitur nec fornice, quanuis
Ingenti, petitura poli loca celsa, Deumq;
Sidereas, uitreasq; domos late excita flamma,
Ni præclusa foret circūq;, & desuper omnis.

Hinc enixa, datur nullus postq; exitus, alta
Culmina conuellens iacit in sublime, uolantq;
Sidera trans suspensa trabes, radicitus atq;
Diffiliunt imis ingentia saxa cauemis.

Marmorei postes, simulacra, insignia regum.
Vnde urbs contremefacta solo, procul ista ruinis,
Exanimata fragore, nouissima palluit amens.

Trinacris ut flagrans rupes caua perfurit olim,
Vndiq; collapsis scopulis cum flamma sepulta est.
Sicelis unde tremit Tellus. mox mille sub auras
Saxa uomit uastis Crateribus alta uorago.

E

TVRRIS DE COELO PERCVSSA.

Aruaq; littoreiq; sinus, urbesq; marisq;
Aequora cōplentur. trepidis pauor omnibus idē est.

Excidio custos deuotæ cessit & arcis,
Trans uada lata mitra bifida redimitus acuta,
Et leuam armatus lituo, dextramq; flagello,
Stabat ut ante fores uenerandus imagine diuus.

Et comes elapsa est serpens Epidauria, sacri
Velleris, Hesperiaq; uigil custodia siluæ
Inuoluens geminam sinuosis flexibus Arcton.

Quiq; ingens Turris fastigia celsa tenebat,
Martius, insignis galea, & calcaribus, ipse
Quem docuit roleis pictum palearibus Atlas,
Persarum procul huc uestum regionibus usq;
Quem uillosa pauet Cybeles, refugitq; curulis,
Tunc primum tentare coactus aheneus ales
Nocturnasq; umbras, rapidosq; uolatibus imbres.
Et leuis excello sublatus in æthera lapsu,
Allaturus opem fundo grauis affuit imo,

Fundamenta fuere ubi sed deiecta superbæ
Turris, ibi uastus barathri descendit hiatus.
Hinc atq; hinc uulso patet ingens pariete porta,
Quem super agrestis pellebat plaustra Bootes.

Bis duo lapsa super post ter quinquēnia centum,
Terq; replens senos Dytina refecerat orbes,
Lux ea, clauigero dicta est cui proxima diuo,

Exoritur sæclis ex quo prior omnibus infans,
 Cum diuerſa uolans ueſtigia nulla relinquis.
 Noſceſ tamen incolumi magis eruta Turris.
 Omnis & horriſcos gens audiet ultima caſus,
 Non hominum deleta manu, coeleſtibus impar.

Vnde graui labefaſta dolet dominæ utraq; fato,
 Fida diu tecum tot paſſa pericula belli,
 Hinc atq; hinc Turris ſuperans, ut olympia Calpe,
 Et ſocia immani, æternog; adiunſta labori.
 Quæ, uelut ætheris hæ, pelagi ſenſere furorem.

Attulit at miſerum multo magis ampla ruina.
 Nam glomerata uirum ſumptis manus aſpera telis
 Plurima, dum ſœdos defendunt tegmine nimbos,
 Omnibus una rapax horam quæ dixit eandem,
 Sæua repentino Proſerpina turbine læti
 Abſtulit, at mortis ſpecies non una uiroꝝ.

Pars collifa graui ſub mole, cadauere nullo
 Occidit, ignis at hæc ui rapta repente peruſta eſt.
 Fumea uel nubes teterrima, uel necat æſtus,
 Sulſuris aut horrendus odor afflixit ademptos,
 Diffiliensq; fuit lapidum uis plurima læto.
 Et pauor attonitos illæſis artubus aufert.
 Præcipitatur aquis multus. fuit altera iam lux,
 Cum fruſtra quæſita diu duo merſa ſub undis
 Iunſta gemunt ſocijs uix agnita funera moeſtis,

TVRRIS DE COELO PERCVSSA.

Arx etenim media est circum stagnante palude,
 Nam pariter subito quatefactus pectora casu,
 Alter ut alterius carum caput auferat Orco,
 Brachia complexus per mutua, uictus uterq; est.
 Quis arcis tutela duobus tradita fidis.

Horrida quiq; ultro pulsarent hostia Ditis,
 Desererent commissa fide q̃ uiribus ullis,
 Heu male grata suis delapsa arx prodidit ipsa.

Aurea quin etiam ter Luna bicornibus exit
 Menstrua temporibus, claro t̃r cessit Olympo,
 Et miser obtectus suspensis molibus omnis
 Non obiisse cauis defletur forte relictis.

Viribus alta super flammaram testa furentum
 Proiectum longinqua uirum noua suspicit uxor,
 Contractumq; rigore necis, flauamq; perustum
 Cæsariem, impubesq; genas, mirabile dictu.
 Vt nec Amazonia est manibus delapsa securis.

Ferreaq; impressis stabant rude iactibus ora
 Durateis in equis suffixa, hostilia contra
 Agmina, parsq; rotis labentibus, hæc quoq; tacta
 Ignibus oppositos spargunt expressa repente.

At chorus omnis erat supplex de more sacello
 Flebilis ante aras, & te Saluere iubebat
 O Regina, salus miseris mortalibus una.
 Per te uitalis (modulans sic uoce uocabat)

TVRRIS DE COELO PERCVSSA.

Lux datur, o iucunda uoluptas, spes quoq; salue.
 Exilio en partus matris damnatus iniquæ
 Clamat, io mater fidissima, pectore & imo
 Suspirans gemit, atq; in fletus liquitur omnis.
 Cocyti quibus exoritur fons. Eia age & ista
 In nos uerte libens placido mitissima uultu
 Lumina, certa tuæ gentis tutela, fidesq;
 Ac tandem miserata diu tot casibus actos
 Eripe, & ætemi post tanta pericula læti,
 Post tenebras, iubar ostende, præq; omnibus unus
 Luceat æquæuus patri puer, editus aluo
 Virginis, optatos fessis portusq; recludat.
 Semper o ante sacros, & post castissima partus,
 Sola puerperio quæ iunior, aurea mundi
 Sidera uestæ super, quâ nunc comitantur ouantem
 Coelicolæ, & gaudens plaudit pia turba triumpho,
 Lucina, & uere mater Iunonia, felix
 Sis diua, o mitisq; tuis sanctissima uirgo.

Talibus aerias feriebant cantibus auras.
 Sicut Olorinis respondent uocibus amnes,
 Siue Caystræi, seu flumina Mæandræa.
 Cum uetus immoritur grex candidus, & sua quæq;
 Fata uocat uitæ alterius præsaga uolucris.

Sunt nemora excelsis ubi semper amoena uiretis,
 Fontibus & resonant muscosa fluentibus antra.

TVRRIS DE COELO PERCVSSA.

Tum leuis aspirans fecunda fauonius arua
 Mulcet, & æthereos suauis diffundit odores.
 Ac sine nocte dies, lætus sine nubibus aer
 Formosam spargit coelesti nectare siluam.
 Nec uocalis abest auium uaga turba per umbras
 Lapsa, per & ramos distincta coloribus altos,
 Quis longe assurgit Medus quas misit, & Indus,
 Attica quasq; dedit, uel quæ uolat aurea lucos
 Inter odoratos Arabum, noua gutture fundens
 Carmina dulcisono, sola, & longæua uolucris.

Hæc Ioue nata Venus loca possidet, altera curis
 Quæ quæ sollicitas hominū coquit improba mentes.
 Coelestes Venus illa piis hic afflat amores,
 Auguris ire dei gestit quo cantibus ales.

Teg; manent meliora, uocat quem mater ab Orco
 Rursus, & ipsa suis pia prorogat ossibus æuum.
 Nec refert obeas Cæyx, uel Phthius Achilles,
 Vel Samius, lauit quem Iuppiter, unxit Apollo,
 Speluncæ uel te lapsus fatalis eodem
 Momento, quo fessus adis caua frigida, tollat.
 Tantalus an plumosa gemas per strata uolutus,
 Confossusq; dolore graui, feruoribus ustus,
 Tædia ad extremum moriæ domestica tabes,
 Conscia dum recti uita mens gaudeat æsta.

Sed mala pestiferum quæ fulgur nunciat ætæ

Euulsum decus Arcis, tot miserabilis etfi
Trans simul Alpinos casus tulit, occubuisse

Quot Cremera atratis generoso sanguine lymphis
Vidit. Iane tuum crimen, qui talia suades.

Vnde tibi nunq̃ postilla Romulus audet

Credere fallaci. tuq̃ o patefacta tuorum

Exitio, infamis scelere, & malefida, sororum

Pessima, cōmissos reddis quin impia ciues?

Impia nequicq̃ lachrymis cōmota parentis.

Sed licet illa fuere, metus grauiora minatur,

Et tremefacta pauet mens omnia. Iuppiter urbem

Respice. multa tibi calet ara ubi diues olenti

Ture, frequens inopi postes ubi pandit Asylum

Semper, Eleusinæ Cererisq̃ benignius æde.

Castaq̃ supplicibus resonant delubra puellis,

Non adeunda uiris ueluti sacraia diuæ.

Heu tamen immissos hostes, sparsasq̃ cruenta

Cæde uias. prohibete nefas. uideoq̃ tenebris

Coniectos trepidare fuga, flāmasq̃ furentes,

Direptasq̃ domos. heu diri carceris umbras.

Et subeunda trucidis (miserum) tormenta Proculstæ.

Membra leuat miles uix cede fluentibus armis,

Lætifera & morbi uis effert funere lætos.

Quis perimet diras tot ciuibus impendentes?

Postulat his quæ nā nunc februa Iuppiter? ite,

TVRRIS DE COELO PERCVSSA.

Ite pia, & sacras uerrentes crinibus ædes,
Et repente genu, precibusq; auertite tantas
Vibe minas. solet ira deum mitescere, si quem
Poenitet admisisse nefas, ueniamq; precatur.

Vosq; Duces, uos o populos armare nefandas
Tot simul in cædes toties. miserescite tandem.
Iam satis effuso natat omnis sanguine Tellus.
Inq; sepulta iacent passim squalentibus aruis
Ossa uirum, iacite arma Duces. dextrisq; cruore
Deterfis certum unanimes coniungite foedus.

Tu; quem bellatrix decorat Regina uolucrum,
Grata Ioui, aerias labens super ardua nubes.
Et cui coeruleo florescunt Lilia campo
Aurea, per tenebras coeli uelut astra sereni.

Quod si nūc animus fremit arma, & tāta cupido est
Magnanimos inter Reges Decora Alta, triumphos
Ducere, & erectis spolia ampla ornare trophæis,
Hostis acerbus ad est, iam sæcla impune superbus,
Improbis, insultans uictis tot gentibus unus.
Iactat & ereptas urbes, & regna, premitq;
Seruitio. replent miseris coelum unde querelis
Ite pares animis. uos iam Byzantia pridem
Terra uocat. satis illa iugum crudele Tyranni
Sustinet, & fessis ceruicibus ingemit. o Sol
Ecquā collustrans maris oram despicias urbem,

Lucifer extollis, seu condis noctifer orbem,
Ingentes quæ tot ferat ærumnosa dolores?

Huc rapite arma, tegāt omnes læta agmina cāpos.
Albaq; felici sinuentur lintea uento.

Trans mare mille rates inimicas sistite ad oras.
His ceptis fauet ipse Deus, mentemq; animūq;
Excitat, inuictasq; manus in prælia seruat.

Fulserit illa dies fortunatissima, quando
Prodigium grauib; uinctum furiale catenis
Diues opum, aurato ducet Victoria curru.
Iussus & obiectas rapere offas Cerberus ore
Stabit hians rabido uinclis oneratus ahenis,
Ante epulas Scythici pasta est ceu Bellua Regis.

At si bella manent nos impia, iam uenit ultro,
Auguror, infelix circum malus errat ouile
Improbis ingluuie iam pridem. Sæua Leonum
Ira quid, & uires ualeant Fera sentiat atra.

F

NENIA DE OBITU PATRIS.

Soluimus ante diem merito dum iusta parenti,
 Nec potis est uis ulla nouos lenire dolores,
 Pallida, scissa comas, tristiq; euincta Cupressu,
 Dic age, dic moestos mecum mea Nenia cantus.

Improuisa uirum frangunt præcordia. lætus
 Ibam festa Deum uenerans, cum nuntius aures
 Perculit, ante fores subito pes deficit æger,
 Labentemq; manus iuuenum miserata repente
 Excipit, ora fouens gelidis pallentia lymphis,
 Hospitis inq; domū referunt mea membra Lycotæ
 Dic age, dic moestos mecum mea Nenia cantus.

Huc ubi peruentū est, lachrymis sine more p̄fusus,
 Immundoq; comas foedatus puluere, mecum
 Immatūra mei lugebam fata parentis.
 Conueniunt socii . quos inter candidus Idas
 Sic ultro affatur diestis. Quid fessa Thylefi
 Infelix multo tabescunt lumina fletu?
 Nauita num Stygius placabitur? ille silentes
 Vt semel inferna uexit rate tristior umbras,
 Nequicq; precibus lenitur. uictima non si
 Plurima Persephone caderet prope littus Auemi,
 Vnde ferunt trepidos reuocari sanguine manes.
 Dic age, dic moestos mecum mea Nenia cantus.

Gallus adest Messala ardenti pulcher in ostro,
 Inscius. utq; uidet luctus insignia tanti,

Obstupuit, tenuitq; gradum. mox ora resoluens,
Ecquis, ait, tantus dolor occupat? unde repente
Tam grauis oppressit moles? sic fatus obortis
Lumina deterfit lachrymis. nec fit mora, cultus
Puniceos etiam ferrugine mutat Ibera.

Dic age, dic moestos mecum mea Nenia cantus,

Atra dies, atris semper signanda lapillis.
Redditur ecce mihi paucis post nota diebus
Littera, quæ certum uulnus simul edocet, utq;
Moereat orba domus, miserum me, lumine adempto.
Inferiasq; refert, & pompam funeris atri.

Dic age, dic moestos mecum mea Nenia cantus.

Moesta soror tumulo postq; redit, astra furore,
Impatiensq; animi, scissisq; horrenda capillis,
Infelix leui neſtebat uincula collo,
Erigonen imitata, ſui quæ funera patris
Naſta diem zonia clauſit miſerabilis ultro,
Pallidaq; aëria Pinu demiffa pependit.

Dic age, dic moestos mecum mea Nenia cantus.

Accurrit genitrix, ſubitoq; exterrita uiſu,
Tunc mei clamat, gemini tu cauſa doloris
Nata eris? infernas ſine me prius ire ſub umbras
Sperasti? quæ tanta animum dementia adëgit
Vt miſera ante diem prima morerere iuuenta,
Non experta uirum, non dulcia pignora natos.

NENIA DE OBITU PATRIS.

Me uero ante alias, uixi satis ipsa superq;
 Me decet. Alcesti licuit subiisse puellæ
 Fata uiri. quis me confectam denegat æuo,
 Quis Deus, unanimis comitari coniugis umbram?
 Dic age, dic moestos mecum mea Nenia cantus.

Ergo ego te nunq̃ posthac pater optime, nunquã
 Aspiciam, nunq̃ tua uerba audire licebit.
 O dolor. incassum reditus fingebat inanes
 Nescia mens. Adero, quisquã nec nuncius ante
 Præueniat. uidearq; Deum demissus ab arce.
 Amplexusq; patris cari iucunda lacertis
 Colla, uias referam, populos, durosq; labores.
 Hæc ego uoluebam. celeres quæ uota procellæ
 Per mare nunc iactant, & per scopulos præruptos.
 Dic age, dic moestos mecum mea Nenia cantus.

Ferte simul Nymphæ, Cynthæ quas integit umbra,
 Aoniæ Nymphæ solènia dona sepulchro.
 Non molles desint uiolæ, non alba ligustra
 Mistæ rosis, sedent ut molliter ossa Thylefi.
 Annuaq; ad tumulum certatim carmina diuæ
 Fundite, ut extincti semper sit fama superstes.
 Ipse ego nigrantem pecudem, mea uota, quotannis
 Constituã, niueiq; feram caua cymbia lactis,
 Vinaq; qua flauus rapido fluit agmine Crathis.
 Nobilis & pingues spectat Consentia campos.

Desine, iam satis est, moestos mea Nenia cantus.

Elysia fessus genitor requiesce sub umbra.
 Ver ubi perpetuum floret, Zephyriq; salubres
 Iucundis spirant animis, ubi concaua lymphis
 Sava sonant, lucisq; uolat genus omne uolucrum.
 Iamq; uale, & nostri superest siquid tamen ultra,
 Ultra fatorum leges, cineresq; sepultos,
 Sis memor, & canæ uenient cum fata senectæ,
 Erranti longe procedas obuius umbræ.
 Desine, iam satis est, moestos mea Nenia cantus.

Mineruam rogat, munusculum afferat ipsa
 Io. Matthæo Gyberto Datario
 uiro amplissimo.

Serica iam dudum maculis mihi cingula densis,
 Insignis niueo stamine missa fuit.
 Quæ distenta aperit crescentes mille figuras,
 Et uariæ exiguo rete uagantur aues.
 Dic Dea, cui radius cordi est, & pensa, colusq;
 Quis tam formoso munere dignus erit?
 Nempe, tuis primo qui se dedit artibus æuo,
 Inq; dies magis est deditus, atq; magis,
 Gybertus. quem nulla Venus mouet, aut sitis auri,
 Alea nec segnes perdit auara dies.
 Per te, perq; patris præcor o Tritonia numen,
 Ne pigeat sacrae limen adire domus,
 Prima aderit cum nox, iuuenisq; oracula cessant,
 Pythia ueridici quanta fuere Dei.
 Sed memor ante pios galea caput exue postes,
 Sic merito fas est uerba referre Deam.
 Attonita aspicias, te qualem fontis imago
 Diua refert, uitreo cum lauis amne comas.
 Lumina sunt eadem, color idem, spiritus idem est,
 Nec loquitur uerbis dissona uerba tuis,
 Forsan & est tecum de uertite natus eodem,

Tam similes quis idem non putet esse genus?
Atq; ubi sancta tuis continges pectora palmis,
Exomans donis officiosa meis,
Effice, plus ualeat blandi ne Cestus amoris,
Cingula quā castæ Palladis apta manu.
Ille ualet cupidos coniungere foedere amantes,
Perpetuo hæc ualeant nectere uincla fidem.
Vtq; meum sibi iam Gybertus uinxit amore,
Ingenti ut semper uinxit amore animum,
Sic amet ille suum, rogo te Dea magna nitentes
Perq; oculos, flauas annue perq; comas.

G A L A T E A . 33

Amore captus dū in siluis queritur Polyphemus,
audiens Echo resonantem, uoces opinatur
Galatæ, ab eaq; dolet irrideri.

Quid mecum quereris? uel me magis improba rides,
Garrula, uocalis, mima, diserta, loquax?
Quæ mihi nulla uideris opacis abdita siluis,
Sed mea dicta refers alsona, nulla licet.
Iam satis o Galatea superq; iocosa fuisti,
Ludere quin ludum desinis insolitum?
Quin profers formosa caput, latebrasq; relinquis?
Inq; sinu recubantem ambitiosa foues?
Irritas lasciuia, meum iecur æstuat ardens.
Ibo ego per rupes, teq; per antra sequar.
Nunq; hodie euades falsas fugiens super undas,
Fluctibus aut merges lapsa sub æquoreis.
Sed gelida mecum requiesces strata sub umbra
Illicis, ad ripas dulce sonantis aquæ.
Et modo blanda choros agitare uirentibus herbis
Hospes gaudebis inter Hamadryadas,
Dum caua mille sonans numeros mea garrit arundo
Ludit & intonsas corniger inter oues,
Quauis muta silet nunc fistula, buccina postq;
Tortilis inflexo turbine missa fuit.
Quæ patula hirsuto illudens in pectore pendet.

Pignus, uel nostræ testis amicitiae.
 Congregat una greges sparsos ad septa, fluentis
 Hac quoq; deponunt hubera lactis onus,
 Admoueo assidue simul ora, impexaq; menta,
 Sola etenim sedat concaua testa sitim.
 Sæpius & multo sinuosa uolumine questus
 Fundit, & umbriferum personat omne nemus.
 Ac mihi dum texto calathus concrescit hibisco,
 Barbatos tibi sit pascere cura greges.
 Interdum pharetrata fugacibus obuia ceruis
 Ibis lyncæo tegmine amicta humeros,
 Candentes humeros, qualis nix albet in Aetnæ
 Aeris incensus frigida uerticibus,
 Quæ uelut æstiuus tabescit solibus, utq;
 Liquitur ex altis lapsa cacuminibus,
 Sic miser, Aetnæo quem non minor ignis inurit,
 Soluor, & ora madent fletibus assiduis.
 Munera quid referam? torquatas læta columbas,
 Pistæ quoq; hinnulei mollia terga notis.
 Qui tener, assuetusq; sero, lactisq; fluore,
 Caprigenum quærit, consequiturq; pecus,
 Tesqua per, & rupes, & per frutices dumosos,
 Iamq; manu instituit carpere dente cibos.
 Atq; alia accipies. sed munera nulla mouent te.
 Saxa ego uestigans te latebrosa petam,

G A L A T E A.

Quæ nam age quæ curuis conuallibus insonat? audis,

Quam docili nostros reddidit ore sonos?

Dura, proterua, procax, petulans, quæ illudis amantē,

Quod trepidas? nullum iam datur effugium,

Certum est per saltus perquirere, sicubi se abdit.

Ite canes, rursus rettulit, ite canes.

Fallor & his forsan latet occultata cauernis

Delia, nāq; canes infremit alipedes,

Incutietq; feris rabiem. Cadmeia proles

Senserat iratæ numina sæua Deæ.

Fessus an ingenti sub fornice semicaper Pan

Se reficit? locus hic arguit esse Deum.

Oblita nam tonso, molliq; sedilia musco

Læta uirent, fons & dulcis abundat aquæ.

Tum coma formosis procumbit Pineæ ramis,

Floret & illæso cespite diues humus.

Excitus hic somno furit irritabilis ira,

Sæuaq; terrificis obijcit ora modis.

Quisquis es, opperiar. mugit specus ecce resultans,

Quis scit an his stabulet Bellua dira cauis?

Effera quæ uasto si carcere forte fuisset

Liberâ, quas strages prodigiosa daret?

Atq; utinam me nunc ingentibus aspera malis

Perderet, ut tandem desinerem esse miser.

Elegia de Auli Iani Parthassii obitu.

Quis situs hic? situs hic? non est, inimica Mineræ

Impia cur sacro texat opus lapide.

Conditus hoc inq̃ tumulo? uel quis iacet? Aulus.

Nunquid amata Dæ Tibia Cecropiæ?

Ferali extinctos solita est quæ efferre querela,

Num silet? inq̃ uicem nunc tegit alta silex?

Memnonio resonat magis hæc quin Mausolæo.

Non tamen artificis tibia facta manu est.

Qualis es hospes, ego uel qualis, amica choreis

Musarum hæc spirans Tibia talis erat.

Nec iucunda magis fuit alitis illa puellæ

Tergeminæ, ille etas sistere blanda rates.

Iamq̃ latina fuit Siren, insignia Graij

Rhetoris hoc hospes sunt quoq̃ digna uiro.

Audita Eridani prope flumina, dixit & amnis,

Non mutatus olor dulcius ore canit,

Dum Phaethontæos querulis moribundus amores

Vocibus, atq̃ suos ingemit interitus.

Tybris est obstupuit doctæ modulamine uocis,

Assonuit ripis hæc quoq̃ Tybri tuis.

Fassus & huic uni es ueteres cessisse Quirites,

Dum latius sonat hic dulce magis latium.

Attice ut Attæa magis urbe locutus & ipsa est

G ii

Hospes diuino dictus ab eloquio.
 Vnde superbit aquis tumefactus Crathis alumno,
 Piscosis colles Crathis oliuiferos
 Fluctibus allabens pulcherrimus, arua fouensq;
 Pingua, Pampineas suspiciensq; comas,
 Quæq; cruenta gerit ramis frondentibus arbor,
 Lapfaq; collectis poma cadunt foliis.
 Qui nunc auricomans tristis caput occulit undis,
 Auget & insolitis fletibus amnis aquas.
 Qua uetus aucta uiris septem se montibus effert
 Aemula Romanis montibus, & libycis,
 Diues opum, calabrumq; decus Consentia, nati
 Funera quæ rapti moeret acerba parens.
 Plurima ubi manant gelidis resonantia Tempe
 Fontibus, herbosa rupe uiretq; domus,
 Aonidum domus, hanc permutat sæpe relicto
 Fonte Aganippæ o Pieris alma domum.
 Vnde miser migrans uastam modo Ditis in aulam,
 Non potes, ut redeas, Iane aperire fores.
 Eumenidasq; truces, canis & portenta, Chimeras.
 Pestis Echidnæ & sibila mille paues.
 Te tamen inde fugax rapiet, nec Fama sepultum
 Centena resonans garrula uoce sinet.
 Cumq; aliis, procul illa licet, uetus audiet ora,
 Gens tua, nec tacitum deseret Arcadia

Multus at umbriferis calamo cantabere siluis,
Oreque, namque tuum callet utrumque genus,
Annuaque ad tumulum solennia dicere uates
Thyrsis erit, Corydon, & Melibœus erit.
Ibis & astra nitens inter fulgentia, non qua
Sol uenit, Hesperias uel cadit inter aquas,
Vel later alter ubi deiectus, & abditus infra
Tartara, luminibus inuidet astra polus.
Sed quos sublimis rotat ignes concitus axis,
Vertice quæ summo sidera clara micant.
Nec lauat unda maris, uasto sed in æquore certos
Semper agunt nautas lucida per tenebras.
Illic te cognata Lycaonis accipiet lux,
Nec modo coelesti fulget honore fides.
Tibia sed ueniens augebit lumina coeli
Nocturni, gnarus suspicietque Conon,
Miratusque nouum decus accessisse, quid ipsa
Nascuntur sacro sidera coniugio?
Quodque nouo exoritur sydus magis enitet æuo?
Dicet, sed felix, hæc satis, hospes abi.

P A R M A.

Virbs uetus armatis obsistens Parma cæteruis,
 Nunc tandem ex uero bellica nomen habet.
 Tot simul extorquere Duci quam millia telis
 Perfractam, hostiles non ualuere manus.
 Non solet hic Parma trepidus dare terga relictæ.
 Gallica lex hæc est, non Lacedæmonia.
 Quin Romanorū uelut Annibal opposuit se,
 Vnus enim clypeus omnibus ille fuit.
 Alter ut ensis erat, Poenus quæ Marte doloſo,
 Et patriis metuens contudit insidiis.
 Ante sed articulis seruato umbone cruentis
 Vulnere pinxisset, fortis ut Otryades.
 Et uelut Aonius dux uictor lætus eodem
 Clausisset uiso lumina, cæde madens.
 Quā raperet passus, tantisq; insigne trophæum
 Hostis iactaret maximus exuuiis,
 Qualibus omauit Mauortius alta Feretri
 Tempia Iouis Romæ conditor Iliades.
 Cedite cuncta, prius quæcunq; fuere per æuum,
 Scuta uirum, priscis præstitit ecce recens.
 Quod Capitolina suffixerat ultor in arce
 Scipiadum, accensa Martius ante coma.
 Quodq; Numa æthereo deiectum condidit axe,
 Quod Diomedæi surripuere doli.
 Vel quod Phidiacæ manus exornata Minervæ

Sustinuit celsis ardua culminibus.
 Ipsa uel immanes quo Gorgone sæua Gigantes
 Perfurit, armisonus quod pater ipse gerit
 Tegmine munitum caræ nutricis, eosdem
 Terrigenas inter cum tonat igne Deus.
 Hæc textit non una uirum nam Parma, sed omnes.
 Quam bene dicetur, nunc olus olla legit.

A E N E A S.

Quibus uerbis Aeneas ex Antandro
 cōscendens Patriam a Græcis
 deletam allocutus est.

Iam noua coeruleas deducta est classis in undas
 Cæsa sub Idæis Pineæ uerticibus.
 Impelluntq; leues suspensa rudentibus auræ
 Lintea, dilapsis undiq; sideribus.
 Linquendum est iam dulce solū, fuit inclyta quondā
 Troia ubi, siue armis inclyta, siue opibus.
 O Patria, o manibus disiecta hostilibus, omnis
 Collapsa in cinerem, & flamine sparsa noti.
 Tanta fuit nunq; e florentibus urbibus ulla,
 Tam subito & casu diruta præcipiti.
 Siqua salus superest post fata nouissima, salue,

Atq; uale, extremū hoc, quod datur, aspicere est.
Non licuit, sæuis aut te hostibus eripere, aut me

Te prius optato concidere interitu?
Flauus ubi toties atratus cæde refluxit

Xanthus, ubi & Simois decolor auxit aquas.
Quaue manus Danaum pauitans per littora in altum
Profugit, ratibus delituitq; cauis.

Aut latebrosa grauis tenebras cum enixa per atras
Exitium peperit bellua Dardaniæ.

Cum ciues rapite arma, urbs tota fremebat in auras
Vocibus, hostis adest, ferte agite arma uiri.

Ilion æternis deplorandum lamentis,
Quis tua tot potis est, quis mala tanta queri?

Sæuitiam hostilis ferri subiisse, per ædes
Ciuii undantes sanguine, perq; uias.

Ignibus heu deuota furentibus omnia, siquid
Restitit, Argolicæ sensit aratra manus.

Tunc potui superesse armisq;, dolisq; Pelasgum,
Numine sublatus matris Acydaliæ.

Cū uetus armipotentibus arx Priameia Grauis
Capta, malum, auratis ardua culminibus

Corruit, & flāmis superantibus omnia diris
Exultabat atrox cæde Neoptolemus.

Quem furere, & geminis immistū uidi ego Attidis
Terribilem abiectis stare cadaueribus.

Hercæumq; Iouem Regis foedare senili
 Sanguine, q̃s indigna est hostia cæsa Ioui?
 Funera post nati crudelia raptus ibidem
 Illicet æternum tuq; puerq; uale.
 Et soboles germana, perit quæ, excelsa uiretis
 Silua uelut telis faucia nubigenis.
 Perdidit unius furor omnes. semper aquosa
 Maluisses Ida pascere lanigeras,
 Agresti contentus amore, fuisset Oreas
 Siue tibi cordi, candida siue Dryas,
 Innuptis q̃s sic alienam abducere nuptiis
 Damnofo insignis factus adulterio.
 Tempore quo uirgo doctissima Priamidarum
 Sparsa comâ, & niueas fletibus uda genas,
 Affatur mare prospectans e turribus altis
 Infortunatos Laomedontiadas.
 En iterum Graiis cadit Ilion, Ilion armis.
 Pergama collucent ignibus Inachiis.
 O tantum prohibete nefas, miserescite uenti,
 Vos saltem uenti pellite, ferte ratem,
 Reddite desertis, fugit unde, Penatibus, astam
 Turbine uel rapidis mergite uorticibus.
 Quid soror insanam retines? ad busta iacebis
 Tu quoq; amatoris uindictis ulta prius.

AENEAS.

Impie dira dabis iam mihi supplicia.
 Verte dea ingentes fluctus, e nubibus attris
 Nata patris casta coniice tela manu.
 Vltima sed superant immania, maxima Phœbi
 Nulla forent utinam, uel rata dona forent.
 Sed tantæ reus es seu cædis, siue deorum
 In mala deuotus numine, tuq; uale,
 Eminus Herculei traiectus acumine teli,
 Sparfus & intonsam puluere cæsariem.
 Et patriæ ante omnes quondam tutela peremptus
 Magnus Achillæa cuspide Priamides,
 Felix Priamides, cui sic occumbere, mortem
 Et licuit campis oppetere in patriis.
 Excidio superare tibi non contigit urbis.
 (O Neptune perit, Phœbe opus atq; tuum.)
 Nec stupefacta repentinis ululatibus auris
 Horruit, & rebus tot doluere oculi,
 Infandis rebus, quas nox congesserat una,
 Vna omne extinxit nox decus Iliacum.
 Ah facinus, celsò deiectus culmine quis non
 Respersit lachrymis hostibus ora puer?
 Sacrilegas miser ille manus tremefactus, & iras
 Sensit Vlyssæas regius Astryanax.
 Imperiis quoq; paret herilibus Hæctoris uxor
 Tradita uictoris serua ministerio.

Hæc quoq; præmoriens uitasti. munere diuum
 Mors data, non uitæ lux tibi dempta fuit.
 Sed neq; regalesq; nurus, matrūq; cateruas
 Contigit addiſtas cemere ſeruitio
 Perq; ſalum rapere inſuetum, inſultantibus eſſent
 Tam procul Argiuis matribus ut ſamulæ.
 Troiugenum regina parens longæua triumphis,
 Paſſa nefas o quantum, aſta Agamemnoniis.
 Et ſoror Aeacidæ lætalis cura ſepulti,
 Altera quæq; tuum mouit Apollo animum.
 Tertia, quam flâmis nequicq; atq; hoſte recepi,
 Rapta iterum eſt coniunx regia coelitibus.
 Qui mihi fatalis ſociam inuidere laboris,
 Iucundam longæ qui comitemq; uiæ.
 Illa per umbroſas, docuere oracula, ſiluas
 Sacra facit Matri maxima Turrigeræ.
 Quanta tamen cunq; eſt, mihi certe nulla reliſta eſt.
 Præſidet alma aliis, ſed perit illa ſuis.
 Care puer iubeam cur ora madentia fletu
 Tergere, & curas pellere Iule animo.
 En ego ſolator tot luſtibus indefeſſus
 Frangor, & huic uni mens mea preſſa malo eſt.
 Viue tamen noſtri non immemor, o ubicunq;
 Egenorum, fluuios ſeu colis undiſanos

AE NE AS.

Fata iubent quo me tendere coelicolum.
Et pater ipse comes grandæuus non timet ire
Seruatus patriæ bis pater exitio.
Nec cōmunis amor natus tua dulcis imago
Paruus idem profugus denegat exilium,
Cum sociis mecum simul omnia ferre paratis,
Aspera quæ terræ, quæq; ferunt maria.
Iamq; rates euaserunt, quos igne Penates
Eripui, uelis flamina Carbaseis
Seruate, o semper felicia, uosq; latinis
Templa manent meritos maxima littoribus.

DE PROMETHEO, ET CVPIDINE.

Illusit superis quondam uaser omnibus unus
Mortalis, tacitas surripuitq; faces.
Iuppiter ulciscens mortales imperat omnes
Ludat ut occultis ignibus unus Amor.

DE IUVENE PERSONATO.

Dum tegit os roseum iuuenis sub imagine Mauri,
Et uelut insidians Vrbe uagatur Amor,
Astitit agnoscens Glycere tamen, inquit & oris
Quid iuuat egregium dissimulare decus?

Sed neq; dissimulas, magis ardent lumina in atro
Tegmine, ut obscura sidera nocte magis.

PROSOPOPEIA AD RVS SVVM.

Quando sub nemorum coma

Semotus populo te fruar improbo

O Rus, grata animo quies?

En ex quo pelagi sol oritur uadis,

Et serus micat Hesperus,

Virgens me assidue turba procax tenet

Fessum mille laboribus.

Felix heu nimium, cui licet inuiis

Siluis æuum agere, o Nemus

Lympharum scatebris irriguū Nemus,

Formosissq; refrigerans

Umbris, & Zephyris æstiferos dies.

Quam me, q̃ iuuat in solo

Stratum gramineo cernere garrulas,

Et ramis uolucres uagas.

O quis me procū hinc constituet iugis

Frondosi, prope contauas

Rupes, muscus ubi saxa uirens tegit,

PROSOPOPEIA AD RVS SVVM.

Flauæ lumina Phyllidis
Dum uoce, aut calamis multiformis canit,
Et iuncis Calathos leues
Aut scissa Corydon nectit arundine.
Quem non ambitio leuis,
Liuor nec miserum luteus inficit.

ALAE CVPIDINIS.

Has tibi parue puer numerosas dedicat alas,
Fessa iugo tandem colla solutus amans.
Decrerâ specula me dare Leucadis,
Aut necē ferro pperare adaſto,
Alta claudere uel diem
Pédulus Orno.
Ora madebant
Largis pallida fletibus.
Serpſerat furti calor i medullis,
Qualis Trinacriæ rupibus æſtuat
Ignis. nūc memores munera parua damus,
Sed quæ nulla queat cōſumere longior ætas.

ERRATA LIBRARII.

Charta X. in quibusdam exemplaribus, dulces
 reuifit, pro dulcesq; reuifit. XV. Nec minus huic
 Steropes, pro hinc Steropes. XVI. Nanq; Deus,
 pro Nanq;. XVII. Dyftina, pro Diſtyna. XX.
 Cæreris, pro Cereris. XXV. Quod trepidas? Quo
 trepidas? XXVI Tybris eſt obſtupuit. Tybris &
 obſtupuit.

Romæ in ædibus F. Minitii Calui Anno
 M.DXXIII. Menſe Maio.



ERRATA LIBRARI

Clavis X. in quibuslibet numeris, debet
 recte perhiberi. XV. Notandum
 quod perhibetur. XVI. Notandum
 quod perhibetur. XVII. Notandum
 quod perhibetur. XVIII. Notandum
 quod perhibetur. XIX. Notandum
 quod perhibetur. XX. Notandum
 quod perhibetur. XXI. Notandum
 quod perhibetur.

Donatus in libro V. de Moribus
 M. LXXXIII. M. LXXXIII.

Cupidus

